



Concello de Cangas

Expediente núm.: 2307/2020

**Procedemento:** PS-20/07 Selección persoal salvamento en praias 2020 (socorristas subvención)

**Asunto:** Publicación das bases do proceso selectivo.

**PUBLICACIÓN:** De acordo co disposto no Decreto da Alcaldía núm. 2020-0898 de 03/06/2020 polo que se aproban a convocatoria e as bases para a selección e posterior contratación de 15 socorristas para o servizo de salvamento en praias do Concello de Cangas na temporada de 2020 ao abeiro da subvención da Consellería de Economía, Emprego e Industria que se regula na Orde do 20/12/2019, pola que se establecen as bases que regulan as axudas e subvencións para o fomento de emprego e mellora da empregabilidade no ámbito de colaboración coas entidades locais procédese a publicación das bases do proceso selectivo que son as que a seguir se reproducen:

**“BASES PARA A SELECCIÓN DE 15 SOCORRISTAS AO ABEIRO DA SUBVENCIÓN DA CONSELLERÍA DE ECONOMÍA, EMPREGO E INDUSTRIA QUE SE REGULA NA ORDE DO 20 DE DECEMBRO DE 2019, POLA QUE SE ESTABLECEN AS BASES QUE REGULAN AS AXUDAS E SUBVENCIÓNS PARA O FOMENTO DE EMPREGO E MELLORA DA EMPREGABILIDADE NO ÁMBITO DE COLABORACIÓN COAS ENTIDADES LOCAIS E SE PROCEDE A SÚA COBERTURA PARA O EXERCICIO DO ANO 2020.**

#### **PRIMEIRA.- OBXECTO, RÉXIME DE CONTRATACIÓN, SISTEMA DE SELECCIÓN E PUBLICIDADE DA CONVOCATORIA**

O obxecto das presentes bases é a selección e posterior contratación de 15 socorristas para o servizo de salvamento en praias do Concello de Cangas na temporada de 2020 ao abeiro da subvención da Consellería de Economía, Emprego e Industria que se regula na Orde do 20/12/2019, pola que se establecen as bases que regulan as axudas e subvencións para o fomento de emprego e mellora da empregabilidade no ámbito de colaboración coas entidades locais, vista a autorización para a contratación anticipada de data 27/02/2020 emitida con base na solicitude formulada polo Concello de Cangas de outorgamento de tal subvención.

A contratación do persoal seleccionado con cargo a subvención será de carácter laboral e temporal, na modalidade de contrato de duración determinada de interese social cunha duración prevista inicialmente de 2 meses e 15 días a contar desde a data da sinatura do contrato, se ben esta duración inicial poderá ser reducida para o caso de que a posta en marcha do servizo se inicie máis tarde do 10 de xullo, en réxime de xornada completa, coas percepcións salariais que figuran na valoración incorporada ao expediente tramitado para o outorgamento da subvención (percepcións brutas mensuais de 1.137,49 euros incluíndo a parte proporcional da paga extra).

Os socorristas estarán destinados ao servizo de salvamento en praias do Concello de Cangas tendo en conta que entre as súas funcións o persoal seleccionado asume a obriga de efectuar as tarefas de coordinación, enlace e fornecemento de material do servizo de salvamento de praias que lle sexan encomendadas por parte da Concellería responsable da área de Turismo.

A contratación do persoal seleccionado con base na autorización de contratación anticipada de data 27/02/2020 emitida pola Consellería de Economía, Emprego e Industria na tramitación da

---

**Concello de Cangas**

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: XP693EY566SR57552MGTZJHND | Corrección: <https://cangas.sedelectronica.gal/>  
Documento asinado electronicamente desde a plataforma xestiona esPublico | Páxina 1 a 7



## Concello de Cangas

concesión da subvención mencionada está ligada ao outorgamento efectivo desta. Por este motivo os e 2 meses 15 días indicados anteriormente poderán tamén ser reducidos en función do tempo establecido na resolución definitiva pola que se outorgue a subvención.

Cos aspirantes que tendo superado o presente proceso selectivo, e pola nota final non acadasen praza, confeccionarase un listado para cubrir as baixas ou renuncias que se puideran producir entre o persoal que si resultase seleccionado, adxudicándose a contratación ao seguinte aspirante en puntuación. Igualmente poderán ser chamados para cubrir as necesidades de contratación de socorristas do Concello de Cangas para o servizo de salvamento en praias de 2020.

O sistema de selección será o de oposición.

As presentes bases estarán expostas ao público no taboleiro de anuncios do Concello e na páxina web do Concello (<http://cangas.sedelectronica.gal/board//>), e con carácter complementario na páxina web do Concello (<http://cangas.gal/>) ata o día da realización do exercicio co fin de posibilitar a presentación de reclamacións ou suxestións as bases.

De presentarse reclamacións ás bases no período indicado- que non suspenderán o prazo para a remisión de instancias para participar no proceso selectivo- a selección demorarase ata a resolución das mesmas. De ser aceptada ou aceptadas algunha das reclamacións ou suxestións formuladas, abrirase un novo período de presentación de instancias de conformidade coas bases modificadas. Contra a resolución que estime ou desestime as reclamacións ás bases, non caberá recurso ningún, sen prexuízo de poder recorrer tal circunstancia xunto coa resolución que poría fin ao procedemento.

O taboleiro de anuncios da Casa do Concello será igualmente, o medio para dar publicidade a todas as notificacións dos actos que deriven do proceso selectivo iniciado coas presentes bases.

### SEGUNDA.- REQUISITOS DOS/DAS ASPIRANTES

Para ser admitido/admitida á realización das probas selectivas os/as aspirantes deberán reunir os seguintes requisitos:

- a) Ter nacionalidade Española ou algunha outra que, consonte ao disposto no artigo 52 da Lei 2/2015, de 29 de abril, do Emprego Público de Galicia, permita o acceso ao emprego público
- b) Ter cumpridos dezaseis anos de idade e non ter acadado a idade de xubilación forzosa.
- c) Posuír a capacidade funcional necesaria para o desempeño das tarefas que se van realizar.
- d) Estar en posesión do Título de Graduado Escolar ou equivalente.
- e) Cumprir co disposto no Decreto 104/2012, do 16 de marzo, polo que se fixa a formación mínima dos socorristas acuáticos e se crea e regula o Rexistro Profesional de Socorristas Acuáticos de Galicia na redacción resultante da entrada en vigor do Decreto 35/2017, do 30 de marzo, polo que se modifica o anterior, estando en posesión do carné de socorrista en espazos acuáticos naturais emitido de acordo co citado decreto.
- f) Non ter sido separado mediante expediente disciplinario do servizo de ningunha administración pública ou dos órganos constitucionais ou estatutarios das comunidades autónomas, nin atoparse en situación de inhabilitación absoluta ou especial para o desempeño de empregos ou cargos públicos por resolución xudicial cando se trate de acceder ao corpo ou

**Concello de Cangas**

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: XP693EY566SR57552MQTZJHND | Corrección: <https://cangas.sedelectronica.gal/>  
Documento asinado electronicamente desde a plataforma xestiona esPublico | Páxina 2 a 7



**Concello de Cangas**

escala de persoal funcionario do cal a persoa foi separada ou inhabilitada.

No caso de nacionais doutros estados, non estar inhabilitado ou en situación equivalente, nin ter sido sometido a sanción disciplinaria ou equivalente que impida no estado de procedencia o acceso ao emprego público nos termos anteriores.

g) Non atoparse incurso en ningunha causa de incapacidade

h) Estar incluído/incluída nos listados remitidos pola Oficina de Emprego de Cangas (preselección). De presentarse algunha instancia sen figurar os interesados que as subscriben nos listados citados estas solicitudes serán inadmitidas a trámite.

i) Cumprir cos requisitos que figuran na Orde a Consellería de Economía, Emprego e Industria do 20/12/2019, pola que se establecen as bases que regulan as axudas e subvencións para o fomento de emprego e mellora da empregabilidade no ámbito de colaboración coas entidades locais (DOG Núm. 18 do 28/01/20) que dá lugar a subvención que orixina o presente proceso selectivo.

### **TERCEIRA.- SOLICITUDES E PRAZO DE ADMISIÓN DESTAS**

O Concello de Cangas en base á autorización para a contratación anticipada outorgada terá solicitado os traballadores e traballadoras desempregados/as acordes ao perfil a seleccionar mediante presentación de oferta de emprego na oficina de emprego de Cangas, que realizará as sondaxes de demandantes aos que se lles comunicará a existencia desta oferta de emprego.

Os aspirantes remitidos pola Oficina de Emprego que desexen tomar parte nas probas selectivas deberán facelo constar no modelo de instancia que estará a disposición dos aspirantes na páxina web e na sede electrónica do Concello xunto coas presentes bases, así como fisicamente no propio Concello. As instancias serán presentadas no rexistro do Concello dentro do prazo outorgado a tal efecto e que se comunicará na oferta que se remita pola Oficina de Emprego. Os aspirantes que formalicen a súa solicitude de participación constituirán o listado de admitidos para participar no proceso selectivo.

Este modelo de instancia inclúe o modelo de declaración polo que se fai constar expresamente o cumprimento dos requisitos establecidos na base segunda, sen prexuízo de que ao final do proceso selectivo se deba acreditar documentalmente ese cumprimento. Non obstante deberá procederse a esta acreditación en calquera momento anterior se así o esixe o Negociado de Persoal do Concello ou o tribunal de selección.

O Concello de Cangas resérvase o dereito a solicitar sondaxes complementarias á oficina de emprego no caso de que non se acade un ratio mínimo de dous candidatos interesados por posto a seleccionar.

Os erros de feito que poidan advertirse poderán subsanarse ou repararse en calquera momento, ben de oficio, ben a instancia de parte.

O Concello poderá requirir en calquera momento a comprobación de estar en posesión dos requisitos da convocatoria establecidos nas presentes bases e excluír do proceso a calquera aspirante que non reúna ditos requisitos.

---

**Concello de Cangas**

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: XP698EY566SR67552MQTZJHND | Corrección: <https://cangas.sedelectronica.gal/>  
Documento asinado electronicamente desde a plataforma xestiona esPublico | Páxina 3 a 7



Concello de Cangas

#### **CUARTA.- – ADMISIÓN DOS ASPIRANTES**

Coas instancias cumprimentadas e entregadas polos aspirantes remitidos pola Oficina de Emprego no prazo outorgado a tal efecto se aprobará pola Presidencia da Corporación a lista provisional de admitidos/admitidas e excluídos/excluídas, especificando, no seu caso, os motivos da exclusión, o que será exposto no taboleiro de anuncios deste Concello.

Os aspirantes excluídos disporán dun prazo de 3 días hábiles contados a partir do seguinte ao da publicación para poder emendar, no seu caso o defecto que motivase a exclusión. No suposto de producirse reclamación, ditarase nova resolución estimándoas ou desestimándoas o que se fará público, igualmente no taboleiro de anuncios do Concello no prazo de 2 días hábiles do remate do prazo anterior.

O feito de figurar incluído na relación de admitidos non prexulga que se lle recoñeza aos interesados a posesión dos requisitos esixidos no proceso selectivo convocado, os cales deberán ser xustificados documentalmente no suposto de que os aspirantes admitidos superen a proba selectiva.

#### **QUINTA.- TRIBUNAL CUALIFICADOR**

O tribunal que xulgará as probas terá por obxecto garantir e supervisar o correcto desenvolvemento do proceso en todas as súas fases. Estará composto por cinco membros.

Non poderá constituírse sen a asistencia como mínimo de tres dos seus membros titulares ou suplentes. Os membros titulares e suplentes terán igual ou maior titulación ca esixida aos aspirantes á praza convocada, e terán voz e voto.

Os/as membros/as do tribunal deberán absterse de intervir, comunicándolle á Alcaldía cando conorra neles algunha das circunstancias previstas no artigo 23 da Lei 40/2015 de 1 de outubro de Réxime Xurídico do Sector Público.

Así mesmo, os/as aspirantes, poderán recusar os membros do tribunal cando nestes conorra algunha das circunstancias previstas para elo de conformidade co establecido no art. 23 e 24 da Lei 40/2015, de 1 de outubro, de Réxime Xurídico do Sector Público.

A composición efectiva do tribunal, así como a data das probas farase pública no taboleiro de anuncios do Concello (<http://cangas.sedelectronica.gal/board/>) e na páxina web do Concello (<http://cangas.gal/>), integrando a resolución pola que se publique a lista provisional de admitidos e excluídos ao proceso selectivo, co fin de posibilitar a formulación de recusación contra os membros da comisión de selección.

O tribunal poderá contar coa colaboración dos asesores externos que considere oportunos, que actuarán con voz e sen voto, limitándose a prestar a súa colaboración nas súas especialidades técnicas.

O tribunal constituírse con antelación suficiente ao inicio da primeira proba da oposición que se establece nas presentes bases.

#### **SEXTA.– SISTEMA DE SELECCIÓN, FORMA DE DESENVOLVEMENTO E SISTEMA DE CUALIFICACIÓN**

Os aspirantes no día, hora e lugar para o que fosen citados na resolución pola que se aprobe o

---

**Concello de Cangas**

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: XP693EY566SR57552MQTZJHND | Corrección: <https://cangas.sedelectronica.gal/>  
Documento asinado electronicamente desde a plataforma Xestiona esPublico | Páxina 4 a 7



## Concello de Cangas

listado provisional de admitidos e excluídos, serán convocados para a realización da proba práctica da fase de oposición, sendo os sucesivos exercicios fixados mediante acordo do tribunal de selección. Acordo que se publicará na páxina web do Concello e no taboleiro municipal indicando o día, hora e lugar que tivese acordado no que terá lugar o chamamento único previo a realización da proba. As probas da fase de oposición serán as seguintes:

### PROBA PRÁCTICA

Consistirá en correr 200 metros, entrar no mar e nadar unha distancia que será establecida polo tribunal ao inicio da proba en función das circunstancias meteorolóxicas para recoller un boneco de rescate acuático, remolcalo coa técnica adecuada ata a orela e sacalo da auga ata o punto sinalado polo Tribunal.

A proba terá unha puntuación máxima de 100 puntos resultando preciso lograr 50 puntos para non quedar eliminado. O tribunal antes do comezo da proba estipulará os tempos requiridos, e o tempo máximo para a execución da proba. A puntuación dependerá do tempo máximo establecido en función das circunstancias meteorolóxicas aplicando as puntuacións proporcionalmente aos tempos obtidos tomando como referencia o do aspirante que obtivera o mellor tempo.

### PROBA DE COÑECEMENTO DA LINGUA GALEGA

Os aspirantes que teñan superado a proba anterior serán convocados no día, hora e lugar que sinala o tribunal para a realización dunha proba de coñecemento de lingua galega de carácter non eliminatorio que consistirá na tradución dun texto proposto polo tribunal de castelán a galego, a realizar nun tempo máximo de media hora. A valoración deste exercicio será de apto ou non apto. Terá carácter eliminatorio e será obrigatoria a súa realización para aquelas persoas aspirantes que non acreditan con antelación á realización da proba estar en posesión do título acreditativo do Certificado de Lingua Galega- nivel 2 (CELGA 2) ou superior, ou a súa validación, ou a certificación do curso de Lingua Galega de Iniciación.

### SÉTIMA.- DESIGNACIÓN DAS PERSOAS APROBADAS

Rematado o proceso de selección o tribunal determinará a cualificación final do proceso. No suposto de empate na cualificación final de dous ou máis aspirantes, este resolverase polo tribunal mediante sorteo entre os aspirantes.

A continuación, o tribunal fará público o resultado do proceso e elevará ao órgano de contratación a correspondente proposta de contratación que incluíra os 15 aspirantes propostos para ser contratados como socorristas para o ano 2020

As persoas propostas serán contratadas sempre que estean en disposición de ser contratadas e que cumpran con todos os requisitos e obrigas establecidos nas presentes bases, nas bases que regulan a subvención e na normativa de aplicación.

De chegar ao remate do proceso selectivo e non obter a cobertura das 15 prazas ofertadas a través do Servizo Público de Emprego, o Concello de Cangas poderá dispoñer mediante resolución da Alcaldía realizar novas ofertas sucesivas ao servizo público de emprego para a realización de novos procesos de selección, que se rexerán polas presentes bases.

### OITAVA.- LISTA DE AGARDA

---

**Concello de Cangas**

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: XP698EY666SR67552MQTZJHND | Corrección: <https://cangas.sedelectronica.gal/>  
Documento asinado electronicamente desde a plataforma xestiona esPublico | Páxina 5 a 7



**Concello de Cangas**

O tribunal incluía na súa proposta un listado de agarda, que estará constituído por todos os aspirantes que superasen o proceso selectivo con independencia de que obtivesen ou non unha das 15 prazas de socorristas, ordenados exclusivamente polo resultado do proceso selectivo.

Este listado servirá para cubrir as baixas ou renuncias que se poidan producir entre os aspirantes seleccionados remitidos polo servizo público de emprego para o servizo de salvamento en praias do Concello de Cangas na temporada de 2020 ao abeiro da oferta motivada pola subvención da Consellería de Economía, Emprego e Industria que se regula na Orde do 20/12/2019, pola que se establecen as bases que regulan as axudas e subvencións para o fomento de emprego e mellora da empregabilidade no ámbito de colaboración coas entidades locais, vista a autorización para a contratación anticipada de data 27/02/2020.

Igualmente este listado servirá para cubrir as posibles necesidades de contratación de socorristas do servizo de salvamento en praias do Concello de Cangas durante 2020.

As contratacións que se efectúen en base a tal listado deberán facerse mediante a adopción dunha resolución de Alcaldía na que se fundamentará a necesidade de acudir a ela e que contará cos informes preceptivos previos.

A renuncia inxustificada ao contrato suporá a exclusión do listado. A renuncia por causa xustificada deberá acreditarse documentalmente e suporá que se pasará ao seguinte aspirante do listado sen exclusión daquel e sen modificar a súa orde. A imposibilidade de contactar co interesado suporá que se pasará ao seguinte aspirante do listado, se esta imposibilidade se repetise en dúas ocasións igualmente suporá a exclusión da lista.

O chamamento efectuarase seguindo a orde do listado aprobado, de tal xeito que non se pasará a seguinte persoa do listado en tanto a anterior estea en disposición de traballar. Este chamamento efectuarase telefonicamente, facendo ata dúas tentativas, no teléfono que proporcionarán a tal efecto na súa instancia os aspirantes seleccionados, o teléfono citado poderá ser modificado posteriormente comunicándoo ao Negociado de Persoal. De resultar infrutuosas ambas chamadas pasarase a contactar coa seguinte persoa da lista, coas consecuencias establecidas no parágrafo anterior.

As persoas integrantes da lista deberán presentar a documentación requirida polo Negociado de Persoal para a súa contratación considerando renuncia inxustificada a non presentación da citada documentación no prazo que se lle indique.

Sen prexuízo da titulación e requisitos requiridos para acceder ao presente proceso selectivo as persoas que integran os listados deberán manter en vigor e no seu caso actualizar de acordo coa normativa vixente en cada momento os títulos, tarxetas profesionais e requisitos precisos para poder ser contratados.

## **NOVENA.- PROTECCIÓN DE DATOS DE CARÁCTER PERSOAL**

De acordo co disposto na Lei Orgánica 3/2018, de 5 de decembro, de Protección de datos persoais e garantía dos dereitos dixitais, os datos de carácter persoal que se faciliten para a participación no presente proceso de selección de persoal incorporaranse a un ou varios ficheiros, cuxo responsable é o Concello de Cangas, onde as persoas aspirantes poderán exercer en todo momento, os dereitos de acceso, rectificación e cancelación.

Mediante a participación no presente proceso selectivo, as persoas aspirantes ao mesmo, consenten o tratamento dos seus datos de carácter persoais coa finalidade de levar a cabo a

---

**Concello de Cangas**

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: XP693EY566SR57552MGTZJHND | Corrección: <https://cangas.sedelectronica.gal/>  
Documento asinado electronicamente desde a plataforma xestiona esPublico | Páxina 6 a 7



**Concello de Cangas**

selección de persoal, o rexistro de solicitudes, a cualificación de probas, a avaliación das persoas aspirantes, así como a provisión do posto. Igualmente, as persoas aspirantes prestan o seu consentimento para que os seus datos persoais sexan comunicados mediante a súa exposición no Boletín Oficial da Provincia de Pontevedra e no Taboleiro municipal (físico e electrónico), a efectos de dar a publicidade esixida ao procedemento de selección, aos representantes dos/as traballadores/as, así como aquelas cesións autorizadas nunha norma con rango de lei.

#### **DÉCIMA.– CARÁCTER DAS BASES E INCIDENCIAS**

As presentes bases vinculan á administración local convocante, ao tribunal cualificador e os/as aspirantes que participen no proceso. O tribunal cualificador queda facultado para a interpretación ds bases da convocatoria, así como para resolver cantas dúbidas e incidencias produza a súa aplicación durante o proceso selectivo.

#### **UNDÉCIMA.– NORMA FINAL**

As presentes bases e cantos actos administrativos deriven destas e das actualizacións do tribunal de selección, poderán ser impugnados nos casos e na forma establecidos pola Lei 39/2015, de 1 de outubro, de procedemento administrativo común das administracións públicas e polo disposto nas presentes bases.

Así mesmo a administración municipal poderá, no seu caso, proceder á revisión das resolucións dos tribunais conforme ó previsto na devandita Lei 39/2015, de 1 de outubro, de procedemento administrativo común das administracións públicas.”

O que se publica aos efectos oportunos

**DOCUMENTO ASINADO DIXITALMENTE**

---

**Concello de Cangas**

Avenida de Castelao, 2, Cangas. 36940 (Pontevedra). Tfno. 986300050. Fax: 986304850



Cod. Validación: XP698EY566SR67552MQTZJHND | Corrección: <https://cangas.sedelectronica.gal/>  
Documento asinado electronicamente desde a plataforma xestiona esPublico | Páxina 7 a 7